



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

LXVI. Vollmacht des Convents zum heiligen Grabe an seinen Probst ein von Hans Dessow gemachtes Vermächtniß zu heben, v. J. 1380.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

bedarf dy wyle dat he leuet vnde sick vormath, vnde nach fyneme lesten, so seelen dy seelen twe rueghen landes by den huuen bliuen ane fat, dy dar vppe steit, oft dar fat vppe is, jummermer vnde tu allen tyden ewichliken by deme heylighen gheyste tu blyuende, sunder allerleye ansprake vnde hinder. Deme suluen hans deffowe syner huffrowen vnde allen iren erfnamen nicht mer rechtes edder eyghens dar an tu beholdende na tu komenden tyden, sunder des ghentzliken vnde ewich tu vor sakende. Hir vmme seelen dy vorradeslude des heylighen gheystes alle jarlek eyne spende gheuen des andern vridaghes in der valten tu troste hans deffow vnde syner vrowen, yrer olderen vnde aller cristen seelen. Vnde desse spende schal man vrye vorkundeghen laten in der parrenkerken ere man sy gheft, vnde man dy spende gheuen wert, so scal man gheuen eynen ywelken mynfschen eynen shotischen haringh vnde eyn louelik broth, der man vestich mach backen vt einem schepel roeghen. Ock seole wy ratlude dar vor wesen, dy nu synt vnde nakomede synt dat man desse spende alle jarlek gheue vp dat ghodes ere vnde alle cristene seelen salicheit daran nicht vorsumet enwerde. Were ock not in tukomeden tyden, dat man desse bref scholde vornyen, dat schal man dun myt guder willen, wan wy Ratlude dar tu geefchet werden vnde dy vorrades lude. Dat alle desse dynghe vorghefcreuen vast vnd ewich blyuen, so is desse bref vorfeghelt myt anhanghenden Inghesegehele vnser vornomenden stat tu perleberghe vnde des heylighen gheystes vnde is ghegheuen nach der bort vnfers heren dritteynhundert Jar an deme vyf vnde souentigheften Jare an deme daghe sunte paulos also he bekert wart. Tughe deffer vorghefcreuen dynghe synt wy Ratlude des seluen jares, hans deffow, Sabel vlessow, heyno gostow, ludeke sweder, hermen wulf, heyne rulow, nichel grabow, hans bruin, peter bucholt vnde peter struue Vnde dy vorftendere des heylighen gheystes dy dun weren also ludeke semelyn vnde peter douercin, dar alle desse vrgenomenen zaken mede vollekomen ghedeghedinghe vnde vnde vulghebracht synt. Amen.

Nach dem Original, woran noch beide Siegel hangen.

LXVI. Vollmacht des Convents zum heiligen Grabe an seinen Probst ein von Hans Dessow gemachtes Vermächtniß zu heben, v. J. 1380.

Witlik sy alle den ghenen, de dessen bryf seen, horen edder lesen vnd sunderleken deme dit an gheyt, dat wy elyzabeth abbatissa, Crystina priorissa vnd de ganze conuent tu deme hilghen graue bekemen vnd betughen in deffeme open bryue alze vmme dat zilgherede, dat hans deffow eyn borgher tu perleberghe, deme got ghenedich sy, heft ghegheuen vnser conuente hir bynnen, des hebbe wy macht ghegheuen vnser proueste her huncke karsteden, alze vs wol van rechte themet vptuborende in vnser nut vnd wes he dar aue deyt des gheue wy em ganze macht. Tu ener merer betughinghe deffer dink hebbe wy vse ingheseghel an dessen open brif laten hanghen, de ghegheuen vnd ghescreuen is na godes bort dufent iar drehundert jar in deme achtigsten jare des myddewekes in den pingesten.

Nach dem Original, woran das Siegel fehlt.

LXVII. Excommunication des Raths zu Perleberg wegen einer dem Kirchenrechte zuwider errichteten Sakung, v. J. 1384.

Bartholdus, dei gratia decanus ecclesie Beati nicolai Magdeburgensis, Judex cause et parcium infra scriptarum a sede apostolica deputatus, ac etiam ab honorabili viro domino Emekone de Lemerhusen, quondam dicte nostre ecclesie Theaurario, a dicta sede apostolica specialiter deputato, Subdelega-